

適園叢書

張宗祥



通國書

卷之四



貞一齋詩稿卷二

臨川朱思本本初父

水龍吟 送閔道錄醺玉隆竣事歸東湖

幾年南北聲名有純孝子鶯苗裔逃儒自愛脩聞天賦神仙
標致歸隱東湖醉游南浦滿襟清氣想當時宦海風波浩蕩
從前錯如今是追念父師恩重恨年華暗隨流水錦帷夜
醺黃壇春靜綠章封事香霧空濛步虛遼亮孝通天地玉皇
優詔答功勤壽甲子三千歲

千秋歲 壽程竹逸六十

虎溪清旭瑞氣生華屋無量壽如川福簪纓門閤好詩禮家
聲肅眞樂處庭階侃侃森蘭玉問訊谿邊竹色與靈椿綠

多積善禎祥熟皇天私有許甲子從新讀千二百空同不待
仙人祝

游仙詩四章

爲祖紫雲作

五陵有佳士乃在西山顛晝餐金光草夜讀青苔篇頻視世
閒榮於我若浮煙野鶴出雲表潛魚媚深淵至性不可羈誰
能識其全惟應羨門子相與長周旋

西山至靈藥服食顏色好在昔有洪厓高舉云得道曹盧繼
芳躅天地長不老後來紫雲翁辟世一何早連雲種稜杞帶
月拾瑤草貴賤俱營營終然恨枯槁棲遲匪迷塗被褐自懷
寶去去不可留期之在蓬島

韓康入都市賣藥不二賈女子知其名翩然事同駕山中富

泉石至樂窮晝夜養生極玄理抱道合元化邇來八十年閱
世知代謝一朝返其真適去勿悲叱

長休得素書字古不能識叔夜非仙才石室那可卽夫君獨
玄詣幽討窮足迹蛟湖極玄首元都洪厓脊羣仙日追隨酬
唱良自適篇章久零落慨歎尙誰惜太玄在侯芭千古聲烜
赫撥棄勿復言南山對松柏

燭影搖紅

壽鄭梅庵

春到梅邊瑞光浮動香山裏雲端微見老人星嘹亮歡聲起
灩灩尊浮綠螳對紅妝高歌盡醉彩衣錯落玉樹瓏璁人生
難比 谷口家聲戶庭藹藹傳詩禮天教餘慶屬伊人爭看
南山梓那羨東風桃李向蟾宮早攀仙桂恁時須記老子婆

娑一杯千歲

戊辰年臘月大雪彌旬古樟黃竹皆凍死百歲翁云有
生以來所未見者追憶兒時樂事賦詩三十二韻寄
呈仁叔兄并示雲章弟立竹姪

憶昔童丱時見雪喜無寐清晨走相喚兄弟劇嬉戲擊竹墜
瓊玖攀檐瀉饋饅模形常透懷印跡屢亡屣玉虬巧追琢龜
手那肯置冰盆脫明鏡密盃空美餌盥櫛固已忘筆硯亦胥
弃父師恆檢責掩耳寧畏避充然有餘樂豈惜歲月駛中年
客京華飛雪大如翅天街跨鞍馬頃刻須鬢異歸來擁貂裘
酒炙交餉饋公卿共談笑盈尺詫奇瑞雖無少年歡頗愜四
方志竭來五十六老態日夕至憑陵怯隆冬疏嬾便

平聲午睡

彌旬值凍雪盡日響寒吹虛明眩窗戶凜冽逼衣被熾炭曾
不溫醇醪漠難醉萬室被紉素千山失蒼翠狡兔方迷離飢
烏亦憔悴豫樟變枯槎黃竹絕生意適聞百歲翁咄咄書怪
事荆楊古炎州殺氣何以致或言兆豐稔蝨蟻深入地又云
弭殘瘴自此蕃庶類胡爲鮮歡笑孤坐成歎喟翻思同隊時
此樂詎可覲朱顏與綠髮去去不再值深心幸聞道俯仰復
無媿縱浪囿元化浮生眇如寄聊爲凍雪吟庶用勸賢知

道傳先生才學重世與予游將二十年往歲別於都中
思慕良切比提學江西復時得聚首殆將滿考乃訪
予玉隆宿畱數日臨別賦長句見贈次韻奉酬聊敘
今昔以寫懷耳

憶昔事北游山川飽經行揮鞭過河朔振袂趨神京維時柳
夫子傾蓋相逢迎成均有鴻儒安能復遐征箴規靡晨夕孔
道日以明義勝塵慮遣理融心神清粵從分別來耿耿馳中
誠易水霜月白燕山雲樹青竭來振鳴鐸坐使聾瞶驚翼軫
吳楚交秀氣鍾元精自古足文獻化機浩無停歐曾出奇正
王晏何縱橫往者不可作汗漫騎長鯨予生百年後企望心
靡寧公來實增重末俗儒化成貪汙變廉恥諛諛還忠貞信
知德有徵孰謂風無形聖皇急求賢爲霖洗炎蒸召還匪朝
夕羽翮橫青冥揮手提天綱舉足頓地紘吾聞柳柳州千古
更炳靈抵掌載言笑吾孫得吾駟家聲亦烜赫何心尙怍怍
夫子不自滿猶言有常經用舍非所牽澹然自和平俯仰無

媿作在己惟德馨再拜服斯訓文華願收聲當爲松柏姿勿
作桃李英眷言從茲游蔬筍供南烹歎忘鴛鴻侶乃與鷗鷺
盟臨期重攜手欲別終含情高歌伐木詩側耳嚶其鳴

莫春感興

推枕芸窗睡未厭春衫亭午試相縑雨淫荒蘚蝸黏壁風颭
游絲燕入簾靜得天機明損益閒觀物理適洪纖一心亨處
潛真樂明鏡從教白髮添

放鯨鯉

大鈞播萬物賦形有媿妍羽毛族林藪鱗介繁江川嗟爾穴
居類蓄縮如鰻蜃修鱗與利背觸地無剛堅壑飲混泥滓蟻
食多腥羶於人旣無害在物苟自全鹿豕每犯稼虞羅所宜

先蛇虺恆傷人培擊理則然爾肉不登俎爾名古無傳野人
亦何爲畚鍤必及泉得之詫珍異籠檻置我前且言芼薑桂
甘美逾割鮮性復去風溼力能已拘攣感子獻芹意肉食吾
無徧風痺非所患平聲藜藿良獨便南烹已云惡韓蘇著詩篇
密啣常嘔吐鼃黽曾弃捐河豚美而毒智者寧垂涎況此更
微賤忍以湯火煎消搖古名山土壤大且卷使爾遂生成族
類當縣延長者活魚報還生切利天放爾匪邀福天闕誠吾
憐

招賢觀

古觀少鄰家招賢名獨嘉
穉松紛側塞老屋半欹斜
野鶴驚春夢山蜂報晚衙
道人華念絕行住養丹砂

贈魏道士

爾祖伯陽翁參同契聖功丹經明燐復火候識屯蒙車馬今
誰到簞瓢亦屢空家聲須自振千古有宗風

景福觀

眞館畱芳躅陶仙豈隱君松篁深蔽日苔蘚溼生雲訪古無
碑志題詩紀見聞山人有天趣清坐對鑪熏

陶仙觀

安公姓陶逸其名列仙有傳垂英聲時丁典午政衰亂辟世
甘與樵牧并新吳山水最佳處讀書種樹蠶且耕賢人在野
時所慕正恐徵辟過柴荆託言鑄劍感天帝赤龍擁駕來相
迎翩然一去不復返世俗共說歸蓬瀛大唐天子好神異倅

圖相地初經營槎牙老柏云手植樓觀倚薄何崢嶸邦家自
此著祀典水旱祈禱奔黎氓學徒混混拜遺像撞鐘擊鼓希
長生神仙有道豈易得手搦烏兔餐元精但聞采藥鍊金石
蒸砂作飯終無成安公聞此必首肯神交千載知吾情天風
兩袖出山去杲杲紅日開清明

新吳昭德觀道士閔蟾谿以厥師張玉淵所得吾師月
池翁書翰見示辭意篤實契意高古藏之四十五年
矣感今懷昔爲賦四韻蟾谿深得金丹之妙故末句
及之

白頭道士說當時故老遺編手共披澗底雲深龍睡穩池邊
月冷鶴歸遲墨光珍重存金石丹訣親傳在坎離若問箇中

玄妙處祇應無跡是吾師

青霞觀

故老相傳赤松子修鍊之所今專祀焉

天開圖畫越王山山上樓居更好看
仙子昔曾餐玉水道人元自鍊金丹
平鋪竹樹青霞出點綴松花白露溥
欲問羲農千古事洞簫吹徹曙光寒

眞常觀文簫吳彩鸞跨虎上征之地
石壁虎迹猶存

越王山上力躋攀瑤草葳蕤覆石壇
絕壁無梯人跨虎層霄有路女乘鸞
千年鼎竈苔花溼午夜樓臺桂影寒
世外瑤京元不遠鳳簫時在白雲端

仙游觀訪羅南谿山房時南谿遠游未歸賦四十字以贈其徒孫金存吾

羅公深隱處帶雨得重尋老樹凌霄合空牆薜荔深風雲千
里翻宇宙百年心更喜孫枝秀流芳見桂林

上全陽師

好道求先覺專門見此翁中年出塵網昭代振玄宗仙鑑多
稽古丹經獨發蒙斗杓明建始卦象契參同玉蒂才生白金
花已見

形句切

紅虎龍歸土釜烏兔會元宮偃月精華滿浮雲

富貴空鍊形輕似鶴養氣浩如虹有志期關尹無人問葛洪
共憐身世拙誰識道心融鳳咮簫頻弄蠅頭字更工采芝隨
遠近騎鹿自西東蕊闕班何忝瀛洲籍早通偷桃嗤曼倩賣
藥鄙壺公委蛻全陽質流珠造化功野人希微妙大匠憫倥
侗信義羞盟水殷勤拜下風窺牆雖累日入室尚深衷象罔

求須得鴻濛答未窮吾師如撫頂行役敢恩

送蔡體仁 三首

秋高萬木落夜永候蟲鳴披衣待明發騁望空前庭悠然感
所思乃在天北溟一別四五載關山何崢嶸綠酒薄清賞素
琴歇芳聲忽有佳客至聊足慰吾情

佳客江海士儒衣章甫冠文工畫更精風雨生毫端不作脂
粉媚不爲儒生酸孤鷺出雲表遠訪千年丹丹成井不改仙
去隨飛翰握手敘契闊碧樹生初寒

君家宜春郡春臺在其顛我屋仙巖下桂吐秋風前朝尋黃
精苗莫飲碧澗泉相逢不忍別重是三生緣扶桑送白日浩
浩如逝川勸哉保明德勿作丹青傳

丹陵道士胡天牖禱雨有應賦詩志喜次韻

見說蜚符起臥痾又聞驅雨潤嘉禾昔時方士聲名舊今日
長仙惠澤多鐵札投龍通水府金鉉躍馬倒天河功成小住
空同上一任桑田有白波

唐天師胡惠超身長七尺時人呼爲長仙

送羅道士歸九江

老桂吹香萬里秋折枝爲別意綢繆廬山有鶴迎歸佩章水
無風送客舟松菊故園陶令宅江山陳跡庾公樓何時與子
同清賞卻憶西林話舊游

宰屬顧淵白馮介軒江西提學柳道傳高灞雪諸名公
以初夏燕集輝山熊鍊師雲徑酒酣賦詩爲樂唱酬
甚多秋中輝山緘以示予次韻

桂香涼入錦帷初誰遣詩筒一起予清節百年高士傳好風
千里故人書斑斑文會光聯璧浩浩詞源盛決渠應念山中
未歸客荆薪鬻石計全疏

西竹引

劉俊卿淮南王幾世孫自別淮南來百年此正園環居種竹
千萬箇霜枝露葉埋雲根鳳凰飛下天風寒食實欲去猶翩
翻西山蒼翠常在眼爽氣正挾樽桑暾朝來斲取蒼玉幹持
作洞簫吹不斷西山高處鳳和鳴雲閒雞犬聲嘹亂空聞雲
外有神仙不見淮王只見天煙霧空濛羽衣溼天低月落心
茫然心茫然撫西竹風波浩浩隔蓬萊與爾飛龍兩相逐

題宋太祖趙普堯進石守信楚昭輔蹴鞠圖